

non Sier Francesco Grimani qu. sier Piero.
 Sier Beneto Grimani di sier Marin.
 Sier Hironimo Grimani di sier Marin.
 Sier Marco Antonio Grimani di sier Francesco.
 Sier Vincenzo Grimani di sier Francesco.
 Sier Andrea Grimani di sier Francesco.
 Sier Zuan Batista Grimani qu. sier Hironimo.
 Sier Antonio Grimani qu. sier Hironimo.
 Sier Bernardo Grimani qu. sier Hironimo.
 Sier Bernardo Grimani qu. sier Domenego.
 Sier Zuan Grimani qu. sier Zacaria.
 76 Sier Vincenzo Capello qu. sier Nicolò.
 Sier Domenego Capello qu. sier Nicolò.
 Sier Nicolò Capello di sier Domenego.
 Sier Jacomo Malipiero di sier Hironimo.
 Sier Marco Grimani qu. sier Nicolò.
 Sier . . . Grimani qu. sier Nicolò.

Pre' Stefano.
 Vincenzo Bembo.
 Sier Stefano prior.

Et zonse in questa sera sier Alvise Gradenigo, vien orator di Roma.

A dì 11, Luni. Da matina, fo chiamà Gran Consejo; qual reduto, sier Andrea Magno el consier, vestito di scarlato, si levò et fe' le parole brieve di esser morto il Serenissimo missier Antonio Grimani doxe, a cui Dio perdoni, et el Consejo è stà chiamato per far provision a la election dil Doxe futuro, pregando lo eterno Dio illumeni a far un sia bon per la Republica nostra etc. Poi Gasparo di la Vedoa andò in renga dicendo *vacante ducatu* etc. il Consejo era chiamadò a far la confirmation di la eletion dil Doxe futuro e far li tre Inquisitori, iusta la parte presa dil 1501, et però messeno li ordeni soliti posti per li Consieri sier Lunardo Minoto Cao di XL, viceconsier, et li do Cai di XL. Fu presa. Ave: 1348, 70, 8.

Da poi, siando a capello, fu ozi a Consejo 14 Procuratori, quali ne l'andar a capello andono zoso, *videlicet* sier Domenego Trivixan cavalier, sier Zorzi Corner cavalier, sier Andrea Griti, sier Alvise Pasqualigo, sier Hironimo Justinian, sier Andrea Justinian, sier Alvise Pisani, sier Francesco Corner el cavalier, sier Marco da Molin, sier Francesco di Prioli, sier Antonio Mozenigo, sier Andrea Gusoni, sier Lorenzo Loredan, et sier Andrea Lion. Manchò il resto, è fuora; ma sier Antonio Trun non volse venir, qual tutti dice sarà Doxe. Io non fui a Consejo. Era in leto amalato dil mio pe'. Et fono eleti

li Corectori et li Inquisitori, et sier Lunardo Mozenigo savio dil Consejo fo in eletion et non si volse tuor Corector. Fu tolto Inquisitor sier Antonio Condolmer, el qual andò davanti la Signoria, dicendo è Inquisitor di l'altro et non si dovea provar, perchè non poria far ben do officii, unde li Consieri messeno *per viam declarationis*, zoè sier Andrea Magno, sier Donà Marzello, sier Nicolò Venier, che 'l si provasse, sier Andrea Mudazzo, sier Francesco da Pexaro consieri, et sier Lunardo Minoto cao di XL, messeno che 'l non si potesse provar, atento è Inquisitor etc. El ditto sier Antonio Condolmer andò in renga, dicendo, bisogna far il documento di S. Antonio e S. Paulo primo heremita, ch'è depenti su la porta del seurtinio, che partisenò un pan per mezo, sichè lui ha fatto e fa e farà la sua parte contra el doxe Loredan; bisogna altri fassi la sua contra il Grimani; disse poche parole e andò zoso. Andò la parte: 24 non sincere; 484 ch'el si provi, 833 di no, e fu preso di no.

Io fui nominato Inquisitor da sier Hironimo Sanudo qu. sier Domenego.

Electi 5 Corectori sopra la Promission del Serenissimo Principe futuro. 76.

† Sier Antonio Trun procurator, triplo	1108. 254
† Sier Andrea Trivixan el cavalier, fo savio del Consejo.	882. 439
Sier Lorenzo Loredan procurator, dopio	646. 674
† Sier Piero Lando, savio dil Consejo, qu. sier Zuane, triplo.	1044. 320
Sier Almorò Donado, fo podestà a Padova, qu. sier Piero	266. 1069
† Sier Francesco Bragadin, fo savio dil Consejo, qu. sier Alvise procurator.	907. 439
Sier Zorzi Corner el cavalier, procurator.	859. 480
Sier Daniel Renier, fo savio del Consejo, qu. sier Constantin	818. 540
† Sier Alvise de Prioli, fo savio dil Consejo, qu. sier Piero procurator dopio	1057. 262
Sier Gasparo Malipiero el governador di l'intrade, qu. sier Michiel	413. 900
Sier Francesco Corner el cavalier, procurator	426. 910
Sier Andrea Gusoni procurator	278. 1073